

## PR-NA 3 BEARTZUN

I.I.D.E.:

**Beartzun - Belaun – Zarkindegia – Berderitz - Basabar – Irlintzi - Beartzun**

**Luzeera: 13,050 km**

**Desnibela: 525 mt**

**Zailtasuna: ERTAINA**

Baztan eta Baigorri (Behenafarroa) bailaren arteko mugan kokaturik, Elizondoko Beartzun auzoa mendiz inguraturik dago. Garai batean bi bailaren arteko hainbat kontrabando pasadizoren lekuko izan ziren Belaun, Berderitz eta Basabar lepoek eta Zarkindegiko mendi bizkarrak ikuspegi ederrak eskeintzen dituzte. Halaxe, bizirik dirauen nekazal bizitza eta hainbat ondare megalitiko ikusteko aukera (ikus SL-NA Basabar ibilbidea) izanen da.

**IRTEERA** > Beartzun auzoa, Elizondotik 6 km-tara, NA-2596 errepidetik. Hau bukatu eta asfaltu hondatutako bidetik (“Gamioko borda” landa etxeko norabidean) kilometro beteko zigizaga egin, Guardia Zibilaren koartel zaharra (hondatua) eta Alka baserrira iritsi arte. Zelaigunea, aparkaleku modura; ez dago ostalaritza zerbitzurik.

### **OHARRAK**

- Ibilbidearen hasieran eta Basabarko lepoan SL-NA Basabar ibilbidea gurutzatu behar eta Belaun eta Berderitz lepoan artean bertze ibilbideen seinalizazioa aurkituko dugu. Erne seinalizazioarekin.
- Hasierako tartea maldan beheakoa da (110 mt); hau saihesteko bada ibilbidea NA-2596 errepedearen 6 P.K.-an abiatzea, Beartzungo errekaaren ondoan.

### **DESKRIBAPENA**

0,000 km: BEARTZUN, Alka baserria (485 mt) eta zelaigune belartsua, aparkaleku modura. Aurrean, kontrabandoa eta Baztango muga kontrolatzeko eraikin zen koartelaren hondakinak. Bidegurutzea: koartelek (I.E.>), Basabarko bidea (SL-NA Basabar ibilbidea). Ezkerrera jo (I.M.>) Maisterrenea baserriko bide zabaletik; 50 mt aurrerago, bide zabala utzi (PR-aren itzultzeko bidea) eta ezkerretik jeitsi (M.>), Beartzungo pista erdiasfaltatuaren zigizagak laburtzen dituen bidexkatik.

0,575 km: Goisemetseko erreka zeharkatu eta Jaimeneko B<sup>a</sup> baserria (400 mt), pistaren azpian. Haren atzetik segi (M.>), belagiak mugatzen dituzten harresien artean; 300 mt aurrerago, auzoko eskola izandako etxera ailegatu baino lehen, bidea utzi eta ezkerretik jeitsi.

0,980 km: NA-2659 errepeidea (385 mt). Zuzen segi (H.>) eta 50 mt aurrerago, errepeidea utzi eta ezkerrera jo, Beartzungo erreka zubi batetik zeharkatuz. Igoera hasten da (H.E.>), bide zabal eta asfaltatua, harresi eta belagien artean, auzoko baserrietan barna; 450 mt aurrerago, azkeneko baserrian, asfaltoa bukatu eta bide zabaletik segi.

2,100 km: Telleriko lepoa (475 mt), Beartzundik igotzen diren hainbat bideren elkargunea; ezkerrean tellegi baten hondakinak. Eskuinetik igo (H.>), hasieran iralekuen artean eta gero pagadian barna, erreka zokotik; 1,2 km aurrerago Berakolako bordaren ondotik pasatuko da.

4,175 km: BELAUNGO LEPOA (760 mt), Aldude eta Baztango mugan; zabala eta belartsua. Bidegurutzea: aurrean (H.>), aska bat eta Aldudetik igotzen den pista; eskuinetik (H.M.>),

Argibel eta “Arrikulunka” (bide balizatua). Ezkerrera jo (I.E.>), mendi bizkarrean gora. Hainbat baliza hori eta laranja.

4,685 km: Bifurkazioa; eskuinetik, Zarkindegiko bizkarreko bidexka (baliza horiak). Ezkerretik segi eta pagaditik atera; mendia ezkerreko (M.) magaletik inguratu, larretan barna eta hasieran bidexkatik (baliza laranja). Ia kilometro bat aurrerago bideak elkartzen dira, ikuspegi aparta eskeintzen duen magalean.

5,965 km: Mendi bizkarra eta Aldudetik igotzen den pista, eskuinetik (H.>). Ezkerretik segi (I.E.>) eta, metro gutxira, “119” Espainia-Frantzia estatuen arteko mugarrria. Pagadian behera.

6,645 km: BERDERITZKO LEPOA (690 mt), zabal eta belartsua, bi bailaren arteko komunikabide historikoa; ondoan, “117” mugarrria. Ezkerreko bide zabaletik jeitsi (I.>), iraleku eta larretan barna; 500 mt aurrerago, basoan sartuta, ezkerretik bide bat elkartzen da.

7,595 km: Urruska Landa Etxea (645 mt), mendi magalean eta belagiz inguraturik. Haren gaineko bidetik berriz pagadian sartu eta erreka zoko bat zeharkatu.

8,370 km: Mizpirako lepoa (700 mt); iralekua. Bifurkazioa: ezkerretik (I.M.>), Beartzunera. Zuzen segi (I.>) magaleko bidexkatik altuera mantenduz. Pagadi txiki bat pasa otea nagusi.

9,205 km: BASABARKO LEPOA (688 mt), ardiborda baten ondotik pasa eta gero; Beartzundik Iñarbegirako pistak zeharkatua. Hainbat bideren elkargunea: eskuinetik (H.E.>), Munautzeko bidea (SL-NA Basabar); mendi bizkarra segituz (I.>), Burgara (SL-NA Basabar, deribazioa); ezkerretik (M.>), pistaren azpitik, Beartzungo bide zaharra (SL-NA Basabar). Ezkerreko pista segi (I.M.>), Beartzun aldera eta haritz batzuen artean; 100 mt aurrerago eskuineko bidexkatik jo, Burga mendiaren magaletik, larre eta oteen artean eta ibilbidearen ikuspegi ederrarekin.

10,630 km: Pagadia, 200 mtan zehar, magal honetan babesgune bakarra.

11,270 km: Irlintzi-Goisemetseko lepoa (645 mt), harresiz mugaturiko belagian. Bidegurutzeta: eskuinetik (I.>), pareten artean, Elizondora. Ezkerretik 100 mt jeitsi (I.M.>), pareta eskuinean utziz eta larretan barna, Beartzundik igotzen den pistara ailegatu arte. Bertatik jeitsi (H.E.>).

11,780 km: Gamioko B<sup>a</sup> Landa Etxea (570 mt). Bertara iritsi aurretik, eskuineko bidexkatik jeitsi (M.>); hasieran oso malda pikua, gero apaltzen da. Iratzea eta otea nagusi.

12,680 km: Maisterrenea etxea; 100 metro lehenago eskuinetik bertze bide bat elkartu ondoren. Etxera iristen den bide zabal eta zelaitik segi.

13,050 km: BEARTZUN, Alka baserria (485 mt), zelaigune belartsua, aparkaleku modura. Ibilbidearen hasiera eta bukaera.